

## 5. gr.

Reglugerð þessi er sett með stoð í lögum um varnir gegn mengun sjávar nr. 32/1986 með síðari breytingum, og lögum um hollustuhætti og mengunarvarnir nr. 7/1998.

Reglugerð þessi öðlast þegar gildi.

*Umhverfisstjórnuneytinu, 11. mars 1999.*

**Guðmundur Bjarnason.**

---

*Magnús Jóhannesson.*

**REGLUGERÐ**

**um (2.) breytingu á reglugerð nr. 213/1991  
um greiðslur vasapeninga sjúkratryggðra.**

## 1. gr.

3. gr. orðist svo:

Upphæð vasapeninga er kr. 16.829 á mánuði. Tekjur að kr. 3.332 á mánuði skerða ekki þessa upphæð. Tekjur umfram kr. 3.332 skerða vasapeninga um 65% þeirra tekna sem umfram eru. Vasapeningar falla þó alveg niður við tekjur kr. 29.223 á mánuði.

## 2. gr.

5. gr. orðist svo:

Heimilt er að greiða vasapeninga, sem nemur tvöföldum sjúkradagpeningum einstaklings eins og þeir eru ákveðnir á hverjum tíma, fyrir hverjar 24 klst. sem sjúklingur dvelst samfellt utan stofnunar án þess að útskrifast. Greiðslur skulu þó að hámarki miðast við 15 sólarhringa í hverjum almanaksmánuði. Í slíkum tilvikum skal liggja fyrir umsókn sjúklings og vottorð sjúkrastofnunar. Greiðslur fara fram mánaðarlega eftir á.

## 3. gr.

Reglugerð þessi, sem sett er samkvæmt 66. gr., sbr. 5. mgr. 43. gr., laga nr. 117/1993 um almannatryggingar, öðlast gildi 1. apríl 1999.

*Heilbrigðis- og tryggingamálaráðuneytinu, 25. mars 1999.*

**Ingibjörg Pálmadóttir.**

---

*Davíð Á. Gunnarsson.*

**REGLUGERÐ**

**um fjárhæð elli- og örorkulífeyris.**

## 1. gr.

Fullur árlegur ellilífeyrir skal vera kr. 201.948.

Fullur árlegur örorkulífeyrir skal vera kr. 201.948.

## 2. gr.

Reglugerð þessi, sem sett er með stöð í 66. gr., sbr. 11. og 12. gr., laga nr. 117/1993 um almannatryggingar, öðlast gildi 1. apríl 1999.

*Heilbrigðis- og tryggingamálaráðuneytinu, 25. mars 1999.*

**Ingibjörg Pálmadóttir.**

*Davíð Á. Gunnarsson.*

## GJALDSKRÁ

**vegna sorphirðu (sorphreinsun og sorpförgun)  
í Mýrdalshreppi fyrir árið 1999.**

## 1. gr.

Hreppsnefnd Mýrdalshrepps er heimilt að leggja á sérstakt sorphirðugjald árið 1999.

## 2. gr.

Gjald fyrir sorphirðu í Mýrdalshreppi, sbr. samþykkt nr. 113/1989 um sorphirðu í Mýrdalshreppi fyrir árið 1999 skal vera sem hér segir og innheimtast með fasteignagjöldum:

| <i>Sorphirðugjöld</i> | <i>Sorphreinsun</i> | <i>Urðun á heimilis-úrgangi</i> | <i>Gámavöllur, grófurðun og endurvinnsla</i> | <i>Samtals</i> |
|-----------------------|---------------------|---------------------------------|--|----------------|
|                       | <i>kr.</i>          | <i>kr.</i>                      | <i>kr.</i>                                   | <i>kr.</i>     |
| Íbúðarhús             | 6.615               | 1.385                           | 5.500  | 13.500         |
| Fyrirtæki, meðaltal   | 9.317               | 5.187                           | 5.500  | 20.004         |
| Sumarhús              | 1.659               | 1.213                           | 2.750  | 5.622          |

Kostnaði vegna gámavallar, grófurðunar og endurvinnslu er jafnað á alla greiðendur sorphirðugjalda, þó þannig að eigendur sumarhúsa greiða hálf t gjald. Sumarhús eru hús sem standa á skipulögðum svæðum fyrir frístundabyggð. Hreinsunar- og urðunargjöldum er jafnað á íbúðarhús og sumarhús en fyrirtæki greiða hreinsunar- og urðunargjald eftir fjölda sorpílata og umfangi úrgangs eins og hér segir:

| <i>Sorphreinsun</i>                |                        |
|------------------------------------|------------------------|
| Pokar                              | 122,50 kr./losun       |
| Tunnur                             | 100,00 kr./losun       |
| Plastgámar                         | 250,00 kr./losun       |
| <i>Flutningur og urðun</i>         | 285 kr./m <sup>3</sup> |
| <i>Gámavöllur, grófurðun o.fl.</i> | 5.500 kr./ein.         |

## 3. gr.

Gjaldskrá þessi, sem er samþykkt af hreppsnefnd Mýrdalshrepps, er hér með staðfest samkvæmt 25. gr. laga nr. 7/1998 um hollustuhætti og mengunarvarnir til þess að öðlast þegar gildi og gilda fyrir árið 1999. Frá sama tíma fellur úr gildi gjaldskrá nr. 571/1994 um sorphirðu í Mýrdalshreppi.

*Umhverfissráðuneytinu, 24. mars 1999.*

F. h. r.

**Ingimar Sigurðsson.**

*Sigurbjörg Sæmundsdóttir.*